

25 JOR SCHI NEBLOOPER WÄGGES



Fas Nacht
2000

25 Joor Schineblooser-Waggis

Fasnacht 2000

Frindlig, spritzig und au no witzig
Nimme so jung derfir dopplet so hitzig
25 Joor sinn mir derbyy
25 Joor sinn schnäll verbyy
Drum gseen ir uns in Jubelpoose
Wyers yyferig schineblose
Im Jubeljaar fällt eich ebbis uff
Z'vierzäänt sinn mir uff em Waage druff
Alli «Alte» wo grad no kenne stoo
Hänn en Yylaadig fir d'Fasnacht bikoo
So kenne mir midenander fyre
Wenn au em ainte d'Gnei dien gyyre
En andere nimmt e Rymatis-Mittel
E Dritte drait e gressere Kittel
Agedlig blybt fascht alles bim alte
Au d'Kritigg an de Wäägeler hett sich ghalte
S'hett allewyyl z'vyyl, si sinn au no schlächt

Aber d'Mimose-Maie sinn alle rächt
Dr Hanspi Hammel hett denn e Brief bikoo
Wo under anderem dinn duet stoh
Dass uns das scho lang duet zinfchtig bysse
Wenn är uns Wäägeler so duet verrysse
Doch wämmer nimme wyter klaage
Und styyge jetz uff unsere Waage
Mir mache wie sich das so gheert
E glatti Fasnacht wo's niemer steert
Wenn ain e Sagg Röppli uslääre duet
Do fillt e Mantel und deerte e Huet
Im ene andere am Strooserand
E Mimose git us erschter Hand
Duesch so d'Fasnacht heerlig gniesse
Kasch vyyl bekannti Gsichter griesse
Wo d'aaneluegsch hett's Lytt «en Masse»
Wo uff uns warte uff dr Gass

Mir wisse scho, was die do mache
Die wänn doch aifach härzlig lache,
Wenn vierzää Waggis intrigiere
Und d'Fasnacht so dien kultiviere
Mir steen derzue, mr findes e Saich
Wenn ain bim Comité stoht ganz blaich
Und e Bricht schrybt iber d'Fasnachtswält
Numme wäge däm bizzli Zyylegäld
25 Joor sinn mir derbyy
25 Joor sinn schnäll verbyy
Grad z'laid gänn mir no lang nit uff
Mir faaren ab – sinn alli druff?

Wichtiger Hinweis für unsere auswärtigen Fasnachtsbesucher!

Die Schienenblaser-Waggis gratulieren sich zum 25jährigen Jubiläum und wünschen sich alles Gute für die Zukunft. Wir danken all unseren vielen Freunden und Gönnern für Ihre Treue. Ein besonderer Dank geht an unsere Traktorfahrerin Elisabeth für Ihre Steuerkünste und an die Bauern Fritz und Thomas für die Pflege unseres Wagenparks. Dem Fasnachtsobergericht genannt Comité danken wir für die grosszügige Unterstützung und für die grossartige Organisation des Fasnachtsumzuges. Nur dank diesem aufopfernden Einsatz, ist es uns möglich, zügg und, durch die vielen Stammcliquen, möglichst unbehindert, unseren Parcours abzufahren. Wir machen alle Besucher darauf aufmerksam, nicht zu nahe an die vereinzelt Wagen heranzutreten, da Sie sonst Gefahr laufen, mit Konfettis beschmutzt zu werden. Bei ungünstiger Witterung entnehmen Sie bitte die Ausweichdaten unserer geschätzten Lokalpresse. Ihre Schienenblaser-Waggis



Druck: Druckerei Krebs AG
St. Alban-Vorstadt 56, 4006 Basel



Iber 100 Joor dien mir si drugge
fir Wäägeler und au fir Gugge
fir Clique, Schääse, auf fir Bängg
zumene frindlige Prys, s'isch fascht e Gschängg

Papier: White Back 125 gm²
Produkt der Cartiera di Valchiampo

Vertrieb: Walter Bucherer
Inter Papier Agentur, 4450 Sissach